

三國志

二十





後主傳第三

蜀書

國志三十二

後主傳



後主諱禪字公嗣先王子也建安二十四年先主為漢中王立為王太子及即尊號冊曰惟章武元年五月辛巳皇帝若曰太子禪朕遭漢運艱難賊臣篡盜社稷無主格人羣正以天明命朕繼大統今以禪為皇太子以承宗廟祇肅社稷使使持節丞相亮授印綬敬聽師傅行一物而三善皆得焉可不勉與

禮記曰行一物而三善者惟世子而已其齒於學之謂也鄭玄曰物猶事也

三年夏四月先主殂于永安宮五月後主襲位於

成都時年十七尊皇后曰皇太后太赦改元是歲

魏黃初四年也

魏略曰初備在小沛不意曹公卒至皇處棄家屬後奔荆州禪時年數歲皆隨人

西入漢中為人所賣及建安十六年關中破亂扶風人劉括避亂入漢中買得禪問知其良家子遂養為子與娶婦生一子初禪與備相失時識其父字玄德此舍人有姓簡者及備得益州而簡為將軍備遣簡到漢中舍都邸禪乃詣簡簡相檢訊事皆符驗簡喜以語張魯魯乃洗沐送詣益州備乃立以為太子初備以諸葛亮為太子太傅及禪立以亮為丞相變以諸事請亮曰政由葛氏祭即寡人亮亦以禪未閉於政遂恣恣內外臣松之案二王妃子傳曰後主生於荆州後主傳云初即帝位年十七則建安十二年生也十二年敗於長阪備棄妻子走趙雲傳曰雲身抱弱子以免即後主也如此備與禪未嘗相失也又諸葛亮以禪立之明年領益州牧其年與王薄杜微書曰朝廷今年十八與禪傳相應理當非虛而魚豢云備敗於小沛禪時年始生及奔荆州能識其父字玄德計當五六歲備則敗於小沛時建安五年也至禪初立首尾二十四年禪應過三十矣以事相驗理不得然此則魏略之妄說乃至二百餘言異也又案諸書記及諸葛亮集亮亦不為太子太傅

建興元年夏牂牁太守朱褒擁郡反

魏氏春秋曰初益州從事常房

行部聞褒將有異志收其王簿案問殺之褒怒攻殺房誣以謀反諸葛亮誅房諸子徙其四弟於越雋欲以安之褒猶不俊改遂以郡叛應雍閩臣松之案以為房為褒所誣執政所宜澄察安有妄殺不辜以悅姦慝斯殆妄矣先是益

州郡有大姓雍閩反流太守張裔於吳據郡不賓

越雋夷王高定亦背叛是歲立皇后張氏遣尚書

郎鄧芝固好於吳吳王孫權與蜀和親使聘是歲

通好

二年春務農殖穀閉關息民

三年春三月丞相亮南征四郡四郡皆平改益州

郡為建寧郡分建寧永昌郡為雲南郡又分建寧

牂牁為興古郡十二月亮還成都

四年春都護李嚴自永安還任江州築大城

今巴郡故城是

五年春丞相亮出屯漢中營沔北陽平石馬

諸葛亮集載禪

三月下詔曰朕聞天地之道福仁而禍淫善積者昌惡積者喪古今常數也是以湯武脩德而王桀紂極暴而亡曩者漢祚中微網漏凶慝董卓造難震蕩京畿曹操階禍竊執天衡殘剝海內懷無君之心子不孤豎敢尋亂階盜據神器更姓改物世濟其凶當此之時皇極幽昧天下無王則我帝命殞越于下昭烈皇帝體明叡之德光演文武應乾坤之運出身平難經營四方人鬼同謀百姓與能兆民欣戴奉順符讖建位易號丕承天序補弊興衰存復祖業禋誕皇綱不墜于地萬國未定早世遐殂朕以幼冲繼統鴻基未習保傅之訓而嬰祖宗之重六合雍丕社稷不建永惟所以念在匡救光載前緒未有收濟朕其懼焉是以夙興夜寐不敢自逸每崇菲薄以益國用勸分務穡以阜民財授方任能以參其聽斷私降意以養將士欲奮劬長驅指討凶逆朱旗未舉而不復殞喪斯所謂不燃我薪而自焚也殘類餘醜又支天禍恣睢何洛阻兵未弭諸葛丞相弘毅忠壯忘

身憂國先帝託以天下以勗朕躬今授之以旄鉞之重付之以  
專命之權統領步騎二十萬眾董督元戎龔行天罰除患寧亂  
克復舊都在此行也昔項籍揔一彊眾跨州兼土所務者大然  
卒敗垓下死於東城宗族如焚為笑千載皆不以義陵上虐下  
故也今賊效尤天人所怒奉時宜速庶憑災精祖宗威靈相助  
之福所向必克吳王孫權同恤災患潛軍合謀犄角其後涼州  
諸國王各遣月支康居胡侯支富康植等二十餘人詣受節度  
大軍北出使欲率將兵馬奮戈先驅天命既集人事又至師貞  
勢并必無敵矣夫王者之兵有征無戰尊而且義莫敢抗也故  
鳴條之役軍不血刃牧野之師商人倒戈今於麾首路其所經  
至亦不欲窮兵極武有能棄邪從正簞食毒漿以迎王師者國  
有常典封寵大小各有品限及魏之宗族支葉中外有能規利  
害審逆順之數來詣降者皆原除之昔輔果絕親於智氏而蒙  
全宗之福微子去殷項伯歸漢皆受茅土之慶此前出之明驗  
也若其迷沈不反將助亂人不式王命戮及妻孥罔有赦廣  
宣恩威貸其元帥弔其殘民他如詔書律令丞相其露布天下  
使稱朕  
意焉

六年春亮出攻祁山不克冬復出散關圍陳倉糧

盡退魏將王雙率軍追亮亮與戰破之斬雙還漢

中

七年春亮遣陳式攻武都陰平遂克定二郡冬亮

徙府營於南山下原上築漢樂二城是歲孫權稱

帝與蜀約盟共交分天下

八年秋魏使司馬懿由西城張郃由子午曹真由

斜谷斜余  
奢反欲攻漢中丞相亮待之於城固赤阪大

雨道絕真等皆還是歲魏延破魏雍州刺史郭淮

于陽谿徙魯王永為甘陵王梁王理為安平王皆

以魯梁在吳分界故也

後主

九年春二月亮復出軍圍祁山始以木牛運魏司馬懿張郃救祁山夏六月亮糧盡退軍郃追至青封與亮交戰被箭死秋八月都護李平廢徙梓潼郡

漢晉春秋曰冬十月江陽至江州有鳥從江南飛渡江北不能達墮水死者以千數

十年亮休士勤農於黃沙作流馬木牛畢教兵講武十一年冬亮使諸軍運米集於斜谷口治斜谷邸閣是歲南夷劉胄反將軍馬忠破平之

十二年春二月亮由斜谷出始以流馬運秋八月亮卒于渭濱征西大將軍魏延與丞相長史楊儀爭權不和舉兵相攻延敗走斬延首儀率諸軍還

四之三

四

成都大赦以左將軍吳壹為車騎將軍假節督漢中丞相留府長史蔣琬為尚書令摠統國事十三年春正月中軍師楊儀廢徙漢嘉郡夏四月進蔣琬位為大將軍

十四年夏四月後主至湔臣松之案湔縣名也屬蜀郡音翦登觀阪

看汶水之流旬日還成都徙武都氏王苻健及氏民四百餘戶於廣都

十五年夏六月皇后張氏薨

延熙元年春正月立皇后張氏大赦改元立子璿為太子子璠為安定王冬十一月大將軍蔣琬出

後主

屯漢中

二年春三月進蔣琬位為大司馬

三年春使越雋太守張疑平定越雋郡

四年冬十月尚書令費禕至漢中與蔣琬諮論事  
計歲盡還

五年春正月監軍姜維督偏軍自漢中還屯涪縣

六年冬十月大司馬蔣琬自漢中還任涪十一月  
大赦以尚書令費禕為大將軍

七年閏月魏大將軍曹爽夏庚玄等向漢中鎮北  
大將軍王平拒興勢圍大將軍費禕督諸軍往赴

蜀志三

五

救魏軍退夏四月安平王理卒秋九月禕還成都

八年秋八月皇太后薨十二月大將軍費禕至漢  
中行圍守

九年夏六月費禕還成都秋大赦冬十一月大司

馬蔣琬卒 魏略曰琬卒禕乃自攝國事

十年涼州胡王白虎文治無戴等率眾降衛將軍

姜維迎逆安撫居之于繁縣是歲汶山平康夷反  
維往討破平之

十一年夏五月大將軍費禕出屯漢中秋涪陵屬  
國民夷反車騎將軍鄧芝往討皆破平之

十二年春正月魏誅大將軍曹爽等右將軍夏侯  
霸來降夏四月大赦秋衛將軍姜維出攻雍州不  
克而還將軍句安李韶降魏

十三年姜維復出西平不克而還

十四年夏大將軍費禕還成都冬復北駐漢壽大  
赦

十五年吳王孫權薨立子琮為西河王

十六年春正月大將軍費禕為魏降人郭循所殺  
于漢壽夏四月衛將軍姜維復率眾圍南安不克  
而還

十七年春正月姜維還成都大赦夏六月維復率  
眾出隴西冬拔狄道河間臨洮三縣民居于緜竹  
繁縣

十八年春姜維還成都夏復率諸軍出狄道與魏  
雍州刺史王經戰于洮西大破之經退保狄道城  
維却住鍾題

十九年春進姜維位為大將軍督戎馬與鎮西將  
軍胡濟期會上邽濟失誓不至秋八月維為魏大  
將軍鄧艾所破于上邽維退軍還成都是歲立子  
瓚為新平王大赦



二十年聞魏大將軍諸葛誕據壽春以叛姜維復率衆出駱谷至芒水是歲大赦

景耀元年姜維還成都史官言景星見於是大赦改年官人黃皓始專政兵大將軍孫綝廢其主亮立琅邪王休

二年夏六月立子諶為北地王恂為新興王虔為上黨王

三年秋九月追謚故將軍關羽張飛馬超龐統黃忠

四年春三月追謚故將軍趙雲冬十月大赦

蜀志三

七

五年春正月西河王琮卒是歲姜維復率衆出戾和為鄧艾所破還任沓中

六年夏魏大興徒衆命征西將軍鄧艾鎮西將軍鍾會雍州刺史諸葛緒數道並攻於是遣左右車騎將軍張翼廖化輔國大將軍董厥等拒之大赦改元為炎興冬鄧艾破衛將軍諸葛瞻於緜竹用光祿大夫譙周策降於艾奉書曰限分江漢遇值深遠偕緣蜀土斗絕一隅干運犯冒漸并歷載遂與京畿攸隔萬里每惟黃初中文皇帝命虎牙將軍鮮于輔宣溫密之詔申三好之恩開示門戶大

義炳然而否德暗弱竊貪遺緒僥倖仰累紀未率大  
教天威既震人鬼歸能之數怖駭王師神武所次  
敢不革面順以從命輒勅羣帥投戈釋甲官府帑  
藏一無所毀百姓布野餘糧棲畝以俟后來之惠  
全元元之命伏惟大魏布德施化宰輔伊周含覆  
藏疾謹遣私署侍中張紹光祿大夫譙周駙馬都  
尉鄧良奉齋印綬請命告誠敬輸忠款存云勅賜  
惟所裁之輿櫬在近不復縷陳是日北地王謀傷  
國之亡先殺妻子次以自殺漢晉春秋曰後王將從譙  
周之策北地王謀怒曰若  
理窮力屈禍敗必及便當父子君臣背城一戰同死社稷以見  
先帝可也後王不納遂送璽綬是日謀哭於昭烈之廟先殺妻

男志三

八

子而後自殺左右無不為涕泣者紹良與艾相遇於維縣艾得書大

喜即報書

王隱蜀記曰艾報書云王綱失道羣英並起龍  
戰虎爭終歸真王此蓋天命去就之道也自古

聖帝爰逮漢魏受命而王者莫不在乎中土河出圖洛出書聖  
人則之以興洪業其不由此未有不顛覆者也隗躡憑龍而亡  
公孫述據蜀而滅此皆前出覆車之鑒也聖上明哲宰相忠賢  
將比隆黃軒侔功往代銜命來征思聞嘉響果煩來使告以德  
音此非人事豈天啓哉昔微子歸周實為上賓君子豹變義存  
大易來辭謙冲以禮輿櫬皆前哲歸命之典也全國為上破國  
次之自非通明達智何以見王者之義乎禪又遣太常張峻益  
州別駕汝超受節度遣大僕蔣顯有命勅姜維又遣尚書郎李  
虎送士民簿領戶二十八萬男女口九十四萬帶甲將士十萬  
二千吏四萬人米四十餘萬斛金銀各二千斤錦綺絲綉各二  
十萬匹餘遣紹良先還艾至城北後王輿櫬自縛詣  
軍壘門艾解縛焚櫬延請相見晉諸公贊曰劉禪乘騾  
車詣艾不具亡國之禮  
因承制拜後王為驃騎將軍諸圍守悉被後王勅

後王

然後降下艾使後王止其故宮身往造焉資嚴未  
發明年春正月艾見收鍾會自涪至成都作亂會  
既死蜀中軍衆鈔略死喪狼藉數日乃安集後王  
舉家東遷既至洛陽策命之曰惟景元五年三月  
丁亥皇帝臨軒使太常嘉命劉禪為安樂縣公於  
戲其進聽朕命蓋統天載物以咸寧為大先宅天  
下以時雍為盛故孕育羣生者君人之道也乃順  
承天者坤元之義也上下交暢然後萬物協和庶  
類獲乂乃著漢氏失統六合震擾我太祖承運龍  
興弘濟八極是用應天順民撫有區夏于時乃考

因羣傑虎爭九服不靜乘間阻遠保據庸蜀遂使  
西隅殊封方外壅隔自是以來干戈不戢元元之  
民不得保安其性幾將五紀朕永惟祖考遺志思  
在綏緝四海率土同軌故爰整六師耀威梁益公  
恢崇德度深秉大正不憚屈身委質以愛民全國  
為貴降心回慮應機豹變履復信思順以身左右  
無疆之休豈不遠歟朕嘉與君公長饗顯祿用考  
咨前訓開國胙土率遵舊典錫茲玄牡直以白茅  
永為魏藩輔往欽哉八其祗服朕命克廣德心以  
終乃顯烈食邑萬戶賜絹萬匹奴婢百人他物稱

是子孫為三都尉封侯者五十餘人尚書令樊建  
侍中張紹光祿大夫譙周祕書令郤正殿中督張

通並封列侯

漢晉春秋曰司馬文王與禪宴為之作故蜀技  
旁人皆為之感愴而禪喜笑自若王謂賈充曰

人之無情乃可至於是乎雖使諸葛亮在不能輔之久全而况  
姜維邪充曰不如是殿下何由并之他日王問禪曰頗思蜀否  
禪曰此間樂不思蜀卻正聞之求見禪曰若王後問宜泣而答  
曰先人墳墓遠在隴蜀乃心西悲無日不思因閉其目會王復  
問對如前王曰何乃似卻正語邪  
禪驚視曰誠如尊命左右皆笑

公太始七年薨於洛

陽

蜀記云謚曰  
思公子恂嗣

評曰後主任賢相則為循理之君惑闇豎則為昏  
闇之后傳曰素絲無常唯所染之信矣哉禮國君  
繼體踰年改元而章武之三年則革稱建興考之

古義體理為違又國不置史注記無官是以行事  
多遺災異靡書諸葛亮雖達於為政凡此之類猶  
有未周焉然經載十二而年名不易軍旅屢興而  
赦不妄下不亦卓乎自其沒後茲制漸虧優劣著

矣

華陽國志曰丞相亮時有言公惜赦者亮答曰治世以大德  
不以小惠故臣衡吳漢不願為赦先帝亦言吾周旋陳元方

鄭康成間每見啓告治亂之道悉矣曾不語赦也若劉景升季  
王父子歲歲赦宥何益於治 臣松之以為赦不妄下誠為可  
稱至於年名不易猶所未達案建武建安之號皆久而不改未  
聞前史以為美談經載十二蓋何足云豈別有他意求之未至  
乎亮沒後延熙之號數盈二  
十茲制漸虧事又不然也

後主傳第三

蜀書

國志三十三

二主妃子傳第四

蜀書

國志三十四

甘皇后傳

先主甘皇后沛人也先主臨豫州住小沛納以爲妾先主數喪嫡室常攝內事隨先主於荊州產後主值曹公軍至追及先主於當陽長阪于時困偏棄后及後主賴趙雲保護得免於難后卒葬于南郡章武二年追謚皇思夫人遷葬於蜀未至而先主殂隕丞相亮上言皇思夫人履行脩仁淑慎其身大行皇帝昔在上將嬪配作合載育聖躬大命不融大行皇帝存時篤義垂恩念皇思夫人神柩

在遠飄飄特遣使者奉迎會大行皇帝崩今皇思夫人神柩以到又梓宮有道園陵將成安厝有期臣輒與太常臣賴恭等議禮記曰立愛自親始教民孝也立敬自長始教民順也不忘其親所由生也春秋之義母以子貴昔高皇帝追尊太上昭靈夫人爲昭靈皇后孝和皇帝改葬其母梁貴人尊號曰恭懷皇后孝愍皇帝亦改葬其母王夫人尊號曰靈懷皇后今皇思夫人宜有尊號以慰寒泉之思輒與恭等案謚法宜曰昭烈皇后詩曰穀則異室死則同穴

禮云上古無合葬中古後因時方有

故昭烈皇后宜與

大行皇帝合葬臣請太尉告宗廟布露天下具禮儀別奏制曰可

### 穆皇后傳

先主穆皇后陳留人也兄吳壹少孤壹父素與劉焉有舊是以舉家隨焉入蜀焉有異志而聞善相者相后當大貴焉時將子瑁自隨遂為瑁納后

瑁死后寡居先主既定益州而孫夫人還吳漢晉春秋云先

主入益州吳遣迎孫夫人夫人欲將太子歸吳諸葛亮使趙雲勒兵斷江留太子乃得止羣下勸先主

聘后先主疑與瑁同族法正進曰論其親疎何與

晉文之於子圉乎於是納后為夫人習鑿齒曰夫婚姻人倫之始王化之

蜀志四

二

本匹夫猶不可以無禮而况人君乎晉文廢禮行權以濟其業故子犯曰有求於人必先從之將奪其國何有於妻非無故而違禮教者也今先主無權事之偏而引前失以為譬非導其君以堯舜之道者先主從之過矣建安二十四年立為

漢中主后景武元年夏五月策曰朕承天命奉至尊

臨萬國今以后為皇后遣使持節丞相亮授璽綬承

宗廟母天下皇后其敬之哉建興元年五月後主即

位尊后為皇太后稱長樂宮皇官至車騎將軍封

縣侯延熙八年后薨合葬惠陵孫盛蜀世譜曰壹孫喬沒李雄中二十年不為雄屈也

### 敬哀皇后

後主敬哀皇后車騎將軍張飛長女也景武元年納為太子妃建興元年立為皇后十五年薨葬南陵

張皇后傳

後主張皇后前後敬哀之妹也建興十五年入為貴人延熙元年春正月策曰朕統承大業君臨天下奉郊廟社稷今以貴人為皇后使行丞相事左將軍向朗持節授璽綬勉脩中饋恪爾禋祀皇后其敬之哉咸熙元年隨後主遷于洛陽

漢晉春秋曰魏以蜀宮人賜諸將之無妻者李昭儀曰我不能二三屈辱乃自殺

劉永傳

劉永字公壽先王子後主庶弟也章武元年六月使司徒靖立永為魯王策曰少子永受茲青土朕承天序繼統大業遵脩稽古建爾國家封于東土

蜀志中

三

奄有龜蒙世為藩輔嗚呼恭朕之詔惟彼魯邦一變適道風化存焉人之好德世茲懿美王其秉心率禮綏爾士民是饗是宜其戒之哉建興八年改封為甘陵王初永憎官人黃皓皓既信任用事諸構永於後主後主稍疎外永至不得朝見者十餘年咸熙元年永東遷洛陽拜奉車都尉封為鄉侯

劉理傳

劉理字奉孝亦後主庶弟也與永異母章武元年六月使司徒靖立理為梁王策曰小子理朕統承漢序祇順天命遵脩典秩建爾于東為漢藩輔惟

劉永劉理

彼梁土畿甸之邦民狎教化易導以禮往悉乃心  
懷保黎庶以永爾國王其敬之哉建興八年改封  
理為安平王延熙七年卒謚曰悼王子哀王胤嗣  
十九年卒子瑒王承嗣二十年卒景耀四年詔曰  
安平王先帝所命二世早夭國嗣頽絕朕用傷悼  
其以武邑侯輯襲王位輯理子也咸熙元年東遷  
洛陽拜奉車都尉封鄉侯

太子璿傳

後主太子璿字文衡母王貴人本敬哀張皇后侍  
人也延熙元年正月策曰在昔帝王繼體立嗣副

貳國統古今常道今以璿為皇太子昭顯祖宗之  
威命使行丞相事左將軍朗持節授印綬其勉脩  
茂質祗恪道義諮詢典禮敬友師傅斟酌衆善翼  
成爾德可不務脩以自勗哉時年十五景耀六年  
冬蜀亡咸熙元年正月鍾會作亂於成都璿為亂

兵所害

孫盛蜀世譜曰璿弟瑤琮璿謀恂璩六人蜀敗謀自  
殺餘皆內徙值永嘉大亂子孫絕滅唯永孫云奔蜀

李雄偽署安樂公以嗣禪後永和三年  
討李勢盛參戎行見云於成都也

評曰易稱有夫婦然後有父子夫人倫之始恩紀  
之隆莫尚於此矣是故記錄以究一國之體焉

二主妃子傳第四 蜀書 國志三十四

劉理 太子璿



諸葛亮傳第五

蜀書

國志三十五

諸葛亮傳

諸葛亮字孔明琅邪陽都人也漢司隸校尉諸葛豐後也父珪字君貢漢末為太山郡丞亮早孤從父玄為表術所署豫章太守玄將亮及亮弟均之官會漢朝更選朱皓代玄玄素與荊州牧劉表有舊往依之獻帝春秋曰初豫章太守周術病卒劉表上諸葛玄為豫章太守治南昌漢朝間周術死遣朱皓代玄皓從揚州刺史劉繇求兵擊玄玄退屯西城皓入南昌建安二年正月西城民反殺玄送首詣劉繇此書所云與本傳同玄卒亮躬耕隴畝好為梁父吟漢晉春秋曰亮家于城西二十里號曰隆中身長八尺每自比於管仲樂毅時人莫

之許也惟博陵崔州平潁川徐庶元直與亮友善

謂為信然

案崔氏譜州平太尉烈子均之弟也魏略曰亮在荊州以建安初與潁川石廣元徐元直汝南孟

公威等俱游學三人務於精孰而亮獨觀其六略每晨夜從容

常抱膝長嘯而謂三人曰卿諸人仕進可至郡守刺史也三人問其所志亮但笑而不言後公威思鄉里欲北歸亮謂之曰中國饒士大夫遨遊何必故鄉邪臣松之以為魏略此言謂諸葛亮為公威計者可也若謂兼為已言可謂未達其心矣老氏稱知人者智自知者明凡在賢達之流固必兼而有焉以諸葛之鑒識豈不能自審其分乎夫其高吟俟時情見乎言志氣所存既已定於其始矣若使游步中華騁其龍光豈夫多士所能沈翳哉委質魏氏展其器能誠非陳長文司馬仲達所能頡頑而况於餘哉苟不患功業不就道之不行雖志恢宇宙而終不比向者蓋以權衡已移漢祚將傾方將翼贊宗傑以興微繼絕克復為已任故也豈其區區利在邊鄙而已乎此相如所謂鷗鵬已翔於遼廓而羅者猶視於藪澤者矣公威名建在魏亦貴達

見先王先王器之謂先王曰諸葛孔明者卧龍也

諸葛亮

將軍豈願見之乎

襄陽記曰劉備訪世事於司馬德操德操曰儒生俗士豈識時務識時務者在

乎俊傑此間自有伏龍鳳雛備問為誰曰諸葛孔明龐士元也

先王曰君與俱來庶曰

此人可就見不可屈致也將軍宜枉駕顧之由是先王遂詣亮凡三往乃見因屏人曰漢室傾頽奸臣竊命主上蒙塵孤不度德量力欲信大義於天下而智術短淺遂用猖蹶至于今日然志猶未已君謂計將安出亮答曰自董卓已來豪傑並起跨州連郡者不可勝數曹操比於袁紹則名微而眾寡然操遂能克紹以弱為彊者非惟天時抑亦人謀也今操已擁百萬之眾挾天子而令諸侯此誠

不可與爭鋒孫權據有江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知存卹智能之士思得明君將軍既帝室之胄信義著於四海揔覽英雄思賢如渴若跨有荊益保其巖阻西和諸戎南撫夷越外結好孫權內脩政理天下有變則命一上將將荊州之軍以向宛洛將軍

身率益州之眾出於秦川百姓孰敢不箠食盡漿  
以迎將軍者乎誠如是則霸業可成漢室可興矣  
先主曰善於是與亮情好日密關羽張飛等不悅  
先主解之曰孤之有孔明猶魚之有水也願諸君

勿復言羽飛乃止魏略曰劉備屯於樊城是時曹公方定

不曉軍事亮乃北行見備備與亮非舊又以其年少以諸生意  
待之坐集既畢眾賓皆去而亮獨留備亦不問其所欲言備性  
好結昵時適有人以髦牛尾與備者備因手自結之亮乃進曰  
明將軍當復有遠志但結昵而已邪備知亮非常人也乃投昵  
而答曰是何言與我聊以忘憂爾亮遂言曰將軍度劉鎮南孰  
與曹公邪備曰不及亮又曰將軍自度何如也備曰亦不如曰  
今皆不及而將軍之眾不過數千人以此待敵得無非計乎備  
曰我亦愁之當若之何亮曰今荆州非少人也而著籍者寡平  
居發調則人心不悅可語鎮南今國中凡有游戶皆使自實因  
錄以益眾可也備從其計故眾遂彊備由此知亮有英略乃以

蜀志五

三

上客禮之九州春秋所言亦如之 臣松之以為亮表云先帝  
不以臣卑鄙猥自枉屈三顧臣於草廬之中諮臣以當世之事  
則非亮先詣備明矣雖聞見異辭各  
生彼此然垂背至是亦良為可怪

亮表受後妻之言愛少子琮不悅於琦琦每欲與  
亮謀自安之術亮輒拒塞未與處畫琦乃將亮游  
觀後園共上高樓飲宴之間令人去梯因謂亮曰  
今日上不至天下不至地言出于口入於吾耳可  
以言未亮答曰君不見申生在內而危重耳在外  
而安乎琦意感寤陰規出計會黃祖死得出遂為  
江夏太守俄而表卒琮聞曹公來征遣使請降先  
主在樊聞之率其眾南行亮與徐庶並從為曹公

諸葛亮

所追破獲庶母庶辭先王而指其心曰本欲與將軍共圖王霸之業者以此方寸之地也今已失老

母方寸亂矣無益於事請從此別遂詣曹公魏略曰庶先名

福本單家子少好任俠擊劍中平末嘗為人報讎白聖突面被髮而走為吏所得問其姓字閉口不言吏乃於車上立柱維礙

之擊鼓以令於市豐莫敢識者而其黨伍共篡解之得脫於是感激棄其刀戟更踈布單衣折節學問始詣精舍諸生聞其前

作賊不肯與共止福乃卑躬早起常獨掃除動靜先意聽習經業義理精軌遂與同郡石韜相親愛初平中中州兵起乃與韜

南客荆州到又與諸葛亮特相善及荆州內附孔明與劉備相隨去福與韜俱來北至黃初中韜仕歷郡守典農校尉福至右

中郎將海史中丞逮大和中諸葛亮出隴右聞元直廣元仕財如此嘆曰魏殊多士邪何彼二人不見用乎庶後數年病卒有

碑在彭城今猶存焉先王至于夏口亮曰事急矣請奉命求救

於孫將軍時權擁軍在柴桑觀望成敗亮說權曰

海內大亂將軍起兵據有江東劉豫州亦收眾漢

南與曹操並爭天下今操芟夷大難略已平矣遂

破荆州威震四海英雄無所用武故豫州遁逃至

此將軍量力而處之若能以吳越之眾與中國抗

衡不如早與之絕若不能當何不案兵東甲北面

而事之今將軍外託服從之名而內懷猶豫之計

事多心而不斷禍至無日矣權曰苟如君言劉豫州

何不遂事之乎亮曰田橫齊之壯士耳猶守義不

辱况劉豫州王室之胄英才蓋世眾士慕仰若水

之歸海若事之不濟此乃天也安能復為之下乎

權勃然曰吾不能舉全吳之地十萬之衆受制於人吾計決矣非劉豫州莫可以當曹操者然豫州新敗之後安能抗此難乎亮曰豫州軍雖敗於長阪今戰士還者及關羽水軍精甲萬人劉琦合江夏戰士亦不下萬人曹操之衆遠來疲弊聞追豫州輕騎一日一夜行三百餘里此所謂彊弩之末勢不能穿魯縞者也故兵法忌之曰必蹶上將軍且北方之人不習水戰又荊州之民附操者偏兵勢耳非心服也今將軍誠能命猛將統兵數萬與豫州協規同力破操軍必矣操軍破必北還如此

四十五

五

則荆吳之勢彊鼎足之形成矣成敗之機在於今日權大悅即遣周瑜程普魯肅等水軍三萬隨亮詣先王并力拒曹公

表子曰張子布薦亮於孫權亮不肯留人問其故曰孫將軍可謂人王然

觀其度能賢亮而不能盡亮吾是以不留臣松之以爲袁孝臣著文立論其重諸葛之爲人至如此言則失之殊遠觀亮君臣相遇可謂希世一時終始之分誰能間之寧有中違斷金甫懷擇主設使權盡其量便當翻然去就乎葛生行已豈其然哉關羽爲曹公所獲遇之甚厚可謂能盡其用矣猶義不背本曾謂孔明之不若雲長乎曹公敗于赤

壁引軍歸鄴先王遂收江南以亮爲軍師中郎將使督零陵桂陽長沙三郡調其賦稅以充軍實

零陵

先賢傳云亮時任臨蒸

建安十六年益州牧劉璋遣法正迎先

主使擊張魯亮與關羽鎮荊州先王自葭萌還攻

璋亮與張飛趙雲等率眾泝江分定郡縣與先王共圍成都成都平以亮為軍師將軍署左將軍府事先主外出亮常鎮守成都足食足兵二十六年羣下勸先王稱尊號先王未許亮說曰昔吳漢耿弇等初勸世祖即帝位世祖辭讓前後數四耿純進言曰天下英雄喁喁異有所望如不從議者士大夫各歸求主無為從公也世祖感純言深至遂然諾之今曹氏篡漢天下無主大王劉氏苗族紹世而起今即帝位乃其宜也士大夫隨大王久勤苦者亦欲望尺寸之功如純言耳先王於是即帝

位策亮為丞相曰朕遭家不造奉承大統兢兢業業不敢康寧思盡百姓懼未能緩於戲丞相亮其悉朕意無怠輔朕之闕助宣重光以照明天下君其勛哉亮以丞相錄尚書事假節張飛卒後領司

隸校尉

蜀記曰晉初扶風王駿鎮關中司馬高平劉寶長史樊陽桓隰諸官屬士大夫共論諸葛亮于時譚者多

譏亮託身非所勞困蜀民力小謀大不能度德量力金城郭冲以為亮權智英略有踰管晏功業未濟論者惑焉條亮五事隱沒不聞於世者寶等亦不能復難扶風王慨然善冲之言臣松之以為亮之異美誠所願聞然冲之所說實皆可疑謹隨事難之如左其一事曰亮刑法峻急刻剝百姓自君子小人咸懷怨歎法正諫曰昔高祖入關約法三章秦民知德今君假借威力跨據一州初有其國未垂惠撫且客主之義宜相降下願緩刑弛禁以慰其望亮荅曰君知其一未知其二秦以無道政苛民怨匹夫大呼天下士崩高祖因之可以弘濟劉璋闇弱曰焉已來有累世之恩文法羈縻互相承奉德政不舉威刑不肅蜀

士人專權自恣君臣之道漸以陵替寵之以位位極則賤順之以恩恩竭則慢所以致弊實由於此吾今威之以法法行則知恩限之以爵爵加則知榮榮恩並濟上下有節為治之要於斯而著難曰案法正在劉主前死今稱法正諫則劉主在也諸葛職為股肱事歸元首劉主之出亮又未領益州慶賞刑政不出於已尋沖所述亮答專自有其能有違人臣自處之宜以亮謙順之體殆必不然又云亮刑法峻急刻剝百姓未聞善政以刻剝為稱其二事曰曹公遣刺客見劉備方得交接開論伐魏形勢甚合備計稍欲親近刺客尚未得便會既而亮入魏客神色失措亮因而察之亦知非常人須吏客如廁備謂亮曰向得奇士足以助君補益亮問所在備曰起者其人也亮徐歎曰觀客色動而神懼視低而忤數莖形外漏邪心內藏必曹氏刺客也追之已越牆而走難曰凡為刺客皆暴虎馮河死而無悔者也劉主有知人之鑒而惑於此客則此客必一時之奇士也又語諸葛云足以助君補益則亦諸葛之派亞也凡如諸葛之儔鮮有為人作刺客者矣時主亦當惜其器用必不投之死地也且此人不死要應顯達為魏竟是誰乎何其寂蔑而無聞

章武三年春先主於永安

病篤召亮於成都屬以後事謂亮曰君才十倍

蜀志五

七

曹不必能安國終定大事若嗣子可輔輔之如其

不才君可自取亮涕泣曰臣敢竭股肱之力效忠

貞之節繼之以死先主又為詔勅後主曰汝與丞

相從事事之如父

孫盛曰夫杖道扶義體存信順然後能

定猶不勝其偶况量君之才否而二三其節可以摧服疆鄰囊括四海者乎備之命亮亂孰甚焉世或有謂備欲以固委付之誠且以一蜀人之志君子曰不然苟所寄忠賢則不須若斯之誨如非其人不宜啓算逆之塗是以古之顧命必貽話言詭偽之辭非託孤之謂幸值劉禪闇弱無猜險之情諸葛威略足以檢衛異端故使異同之心無由自起耳不然殆生疑隙不逞之釁謂之為權不亦惑哉

建興元年封亮武鄉侯開府治事頃之

又領益州牧政事無巨細咸決於亮南中諸郡並皆叛亂亮以新遭大喪故未便加兵且遣使聘吳

諸葛亮

因結和親遂為與國

亮集曰是歲魏司徒華歆司空工明尚書令陳奉太史令許芝謂者僕射

諸葛璋各有書與亮陳天命人事欲使舉國稱藩亮遂不報書作正議曰昔在項羽起不由德雖處華夏秉帝者之勢卒就湯鑊為後永戒魏不審鑿令次之矣免身為幸戒在子孫而二二子各以首艾之齒承偽指而進書有若崇竦稱莽之功亦將偏于元禍苟免者邪昔世祖之創迹舊基奮羸卒數千摧莽彊旅四十餘萬於昆陽之郊夫據道討淫不在眾寡及至孟德以其譎勝之力舉數十萬之師救張郃於陽平勢窮慮悔僅能自脫辱其鋒銳之眾遂喪漢中之地深知神器不可妄獲旋還未至感毒而死子相淫逸繼之以篡縱使二子多逞蘇張詭靡之說奉進驩與滔天之辭欲以誣毀唐帝諷解禹稷所謂徒喪文藻煩勞翰墨者矣夫大人君子之所不為也又軍誠曰萬人必死橫行天下昔軒轅氏整卒數萬制四方定海內况以數十萬之眾據正道而臨有罪可得干擬者哉

一前後羽葆鼓吹各一部

其秋采悉平軍資所出國以富

饒漢晉春秋曰亮至南中所在戰捷聞孟獲者為夷漢所服募生致之既得使觀於營陣之間曰此軍何如獲對曰向者不

知虛實故敗今蒙賜觀看營陣若此即定易勝耳亮笑縱使更戰七縱七禽而亮猶遣獲獲止不去曰公天威也南人不復反矣遂至滇池南中平皆即其渠率而用之或以諫亮曰若留外人則當留兵兵留則無所食一不易也如夷新傷破父兄死喪留外人而無兵者必成禍患二不易也又夷素有廢殺之罪自嫌費重若留外人終不相信三不易也今吾欲使不留兵不運糧而綱紀粗定夷漢粗安故耳

乃治戎講武以俟大舉五年率

諸軍北駐漢中臨發上疏曰先帝創業未半而中

道崩殂今天下三分益州疲弊此誠危急存亡之

秋也然侍衛之臣不懈於內忠志之士忘身於外

者蓋追先帝之殊遇欲報之於陛下也誠宜開張

聖聽以光先帝遺德恢弘志士之氣不宜妄自菲

薄引喻失義以塞忠諫之路也宮中府中俱為一

諸葛亮



體陟罰臧否不宜異同若有作姦犯科及為忠善者宜付有司論其刑賞以昭陛下平明之理不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以為宮中之事事無大小悉以咨之然後施行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以眾議舉寵為督愚以為營中之事悉以咨之必能使行陣和睦優劣得所親賢臣遠小人此先漢所以興隆也親小人遠賢臣此後漢所以傾頹也先帝在時

蜀志五

九

每與臣論此事未嘗不歎息痛恨於桓靈也侍中尚書長史參軍此悉貞良死節之臣願陛下親之信之則漢室之隆可計日而待也臣本布衣躬耕於南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆受任於敗軍之際奉命於危難之間爾來二十有一年矣臣松之案劉備以建安十二年敗遣亮使吳亮以建興五年統表北伐自傾覆至此整二十一年然則先帝知臣謹慎故臨崩寄臣以備始與亮相遇在敗軍之前一年時也大事也受命以來夙夜憂歎恐託付不效以傷先

諸葛亮

帝之明故五月渡瀘深入不毛

漢書地理志曰瀘惟水出牂牁郡句町縣

今

南方已定兵甲已足當獎率三軍北定中原庶竭

駑鈍攘除奸凶興復漢室還于舊都此臣所以報

先帝而忠陛下之職分也至於斟酌損益進盡忠

言則攸之禕允之任也願陛下託臣以討賊興復

之效不效則治臣之罪以告先帝之靈責攸之禕

允等之慢以彰其咎陛下亦宜自謀以諮諏善道

察納雅言深追先帝遺詔臣不勝受恩感激今當

遠離臨表涕零不知所言遂行屯于沔陽

蜀志五

十

陽平遣魏延諸軍并兵東下亮惟留萬人守城晉宣帝率二十萬眾拒亮而與延軍錯道徑至前當亮六十里所值候白宣帝

說亮在城中兵少力弱亮亦知宣帝垂至已與相逼欲前赴延軍相去又遠回迹反追勢不相及將士失色莫知其計亮意氣

自若勅軍中皆卧旗息鼓不得妄出菴幔又令大開四城門歸地却洒宣帝常謂亮持重而猥見勢弱疑其有伏兵於是引軍

北趣山明日食時亮謂參佐拊手大笑曰司馬懿必謂吾法將有疆伏循山交矣候羅還白如亮所言宣帝後知深以為恨難

曰察陽平在漢中亮初屯陽平宣帝尚為荊州都督鎮宛城至曹直死後始與亮於關中相抗禦耳魏嘗遣宣帝自宛由西城

伐蜀值霖雨不果比之前後無復有於陽平交兵事就如冲言宣帝既舉二十萬眾已知亮兵少力弱若疑其有伏兵正可設

防持重何至便是乎案魏延傳云延每隨亮出輒欲請精兵萬人與亮異道會于潼關亮制而不許延常謂亮為怯數已才用

之不盡也亮尚不以延為萬人別統豈得如冲言頓使將重兵在前而以輕弱自守乎且冲與扶風王言顯彰宣帝之短對子

善冲之言故知此書舉引皆虛然六年春揚聲由斜谷

道取郿使趙雲鄧芝為疑軍據箕谷魏大將軍曹真舉眾拒之亮身率諸軍攻祁山戎陣整齊賞

諸葛亮

蜀肅而號令明南安天水安定三郡叛魏應亮關

中響震魏略曰始國家以蜀中惟有劉備備既死數歲寂然無聞是以略無備預而卒聞亮出朝野恐懼隴右祁

山尤甚故二魏明帝西鎮長安命張郃拒亮亮使馬

謖督諸軍在前與郃戰于街亭謖違亮節度舉動

失宜大為郃所破亮拔西縣千餘家還于漢中郭

四事曰亮出祁山隴西南安二郡應時降圍天水拔翼城虜姜維驅略士女數千人還蜀人皆賀亮亮顏色愀然有戚容謝曰

晉天之下莫非漢民國家威力未舉使百姓困於豺狼之吻一夫有死皆亮之罪以此相賀能不為愧於是蜀人咸知亮有吞

魏之志非惟拓境而已難曰亮有吞魏之志久矣不始於此衆人方知也且于時師出無成傷缺而反者衆三郡歸降而不能

有姜維天水之匹夫耳獲之則於魏何損拔西縣千家不補街亭所喪以何為功而蜀人相賀乎 戮謖以謝

衆上疏曰臣以弱才叨竊非據親秉旄鉞以厲三

蜀志五已

十一

軍不能訓章明法臨事而懼至有街亭違命之闕

箕谷不戒之失各皆在臣授任無方臣明不知人

恤事多闇春秋責帥臣職是當請自貶三等以督

厥咎於是亮為右將軍行丞相事所摠統如前

漢晉春秋曰或勸亮更發兵者亮曰大軍在祁山箕谷皆多於賊而不能破賊為賊所破者則此病不在兵少也在一人耳今

欲成兵者將明罰思過校變通之道於將來若不能然者雖兵多何益自今已後諸有忠慮於國但勤攻吾之闕則事可定賊

可死功可躋足而待矣於是考微勞甄烈壯引各責躬布所失於天下厲兵講武以為後圖我士簡練民忘其敗矣亮聞孫權

破曹休魏兵東下關中虛弱十一月上言曰先帝慮漢賊不兩立王業不偏安故託臣以討賊也以先帝之明量臣之才故知

臣伐賊才弱敵疆也然不伐賊王業亦亡惟坐待亡孰與伐之是故託臣而弗疑也臣受命之日寢不安席食不甘味思惟北

征宜先入南故五月渡瀘深入不毛并日而食臣非不自惜也願王業不得偏全於蜀都故冒危難以奉先帝之遺意也而議

諸葛亮

者謂為非計今賊適疲於西又務於東兵法乘勞此進趨之時也謹陳其事如左高帝明並日月謀臣淵深然涉險被創危然後安今陛下未及高帝謀臣不如良平而欲以長計取勝坐定天下此臣之未解一也劉繇王朗各據州郡論安言計動引聖人羣疑蒲腹眾難塞曾今歲不戰明年不征使孫策坐大遂并江東此臣之未解二也曹操智計殊絕於人其用兵也髮髯孫吳然困於南陽險於烏巢危於祁連偏於黎陽幾敗伯山殆死潼關然後為定一時耳況臣才弱而欲以不危而定之此臣之未解三也曹操五攻昌霸不下四越巢湖不成任用李服而李服圖之委夏侯而夏侯敗亡先帝每稱操為能猶有此失況臣驚下何能必勝此臣之未解四也自臣到漢中中間暮年耳然喪趙雲陽羣馬玉關芝丁立白壽劉卻鄧銅等及曲長屯將七十餘人突將無前資更青羌散騎武騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則任與行勞費正等而不及虛圖之欲以一州之地與賊持久此臣之未解六也夫難平者事也昔先帝敗軍於楚當此時曹操拊手謂天下以定然後先帝東連吳越西取巴蜀舉兵北征夏侯授首此操之失計而漢事將成也然後吳更違盟關羽毀敗秭歸蹉跌曹丕稱帝凡事如是難可逆見臣鞠

蜀志九

躬盡力死而後已至於成敗利鈍非臣之明所能逆觀也於是散關之役此表亮集所無出張儼默記

冬亮復出散關圍陳倉曹真拒之亮糧盡而還魏將王雙率騎追亮亮與戰破之斬雙七年亮遣陳戒攻武都陰平魏雍州刺史郭淮率眾欲擊戒亮自出至建威淮退還遂平二郡詔策亮曰街亭之役咎由馬謖而君引愆深自貶抑重違君意聽順所守前年耀師馘斬王雙今歲爰征郭淮遁走降集氏羌興復二郡威震凶暴功勳顯然方今天下騷擾元惡未梟君受大任幹國之重而又自挹損非所以光揚洪烈矣今復君丞相君其勿辭

漢晉春秋曰是歲孫權稱尊號

諸葛亮

其羣臣以並尊二帝來告議者咸以為交之无益而名體弗順  
宜顯明正義絕其盟好亮曰權有僭逆之心久矣國家所以略  
其釁情者求犄角之援也今若加顯絕離我必深便當移兵東  
成與之角力須并其土乃議中原彼賢才尚多將相緝穆未可  
一朝定也頓兵相持坐而須老使北賊得計非策之上者昔考  
文卑辭凶奴先帝優與吳盟皆應權通變弘思遠益非匹夫之  
為分者也今議者咸以權利在鼎足不能并力且志望以滿无  
二岸之情推此皆似是而非也何者其智力不侔故限江自保  
權之不能越江猶魏賊之不能渡漢非力有餘而利不取也若  
大軍致討彼高當分裂其地以為後規下當略民廣境示武於  
內非端坐者也若就其不動而睦於我我之北伐无東顧之憂  
乃遣衛尉陳震夔權正號九年亮復出祁山以木牛運漢晉春秋曰  
鮮卑軻比能比能等至故北地石城以應亮於是魏大司馬曹  
真有疾司馬宣王自荊州入朝魏明帝曰西方事重非君莫可  
付者乃使西屯長安督張郃費曜戴陵郭淮等宣王使曜陵留  
精兵四千守上邽餘眾悉出西救祁山郃欲分兵駐雍郡宣王  
曰料前軍能獨當之者將軍言是也若不能當而分為前後此  
楚之三軍所以為黥布禽也遂進亮分兵留攻自逆宣王于上

蜀志五已

十三

邽郭淮費曜等激亮亮破之因大芟刈其麥與宣王遇于上邽  
之東斂兵依險軍不得交亮引而還宣王尋亮至于鹵城張郃  
曰彼遠來逆我我請戰不得謂我利在不戰欲以長計制之也  
且祁山知大軍以在近人情自固可止屯於此分為奇兵示出  
其後不宜進前而不敢偏坐失民望也今亮縣軍食少亦行去  
矣宣王不從故尋亮既至又登山掘營不肯戰賈用魏平數請  
戰因曰公畏蜀如虎柰天下笑何宣王病之諸將咸請戰五月  
辛巳乃使張郃攻无當監何平於南圍自寨中道向亮亮使魏  
延高翔吳班赴拒大破之獲甲首二千級玄糧盡退軍與  
鎧五千領角弩二千一百張宣王還保營

**魏將張郃交戰射殺郃**  
郭冲五事曰魏明帝自征蜀幸

勁卒三十餘萬潛軍密進規向劔閣亮時在祁山旌旗利器守  
在險要十二更下在者八万時魏軍始陳幡兵適交參佐咸以  
賊眾彊盛非力不制宜權停下兵一月以并聲勢亮曰吾統武  
行師以大信為本得原失信古人所惜去者東裝以待期妻子  
鶴望而計日雖臨征難義所不廢皆催遣令去於是去者感悅  
願留一戰任者憤踊思致死命相謂曰諸葛公之恩死猶不報  
也臨戰之日莫不拔刃爭先以一當十殺張郃却宣王一戰人  
尅此信之由也難曰臣松之案亮前出祁山魏明帝身至長

諸葛亮

安耳此年不復自來且亮大軍在關隴魏人何由得越亮徑向  
劍閣亮既在戰場本無久駐之規而方休兵還蜀皆非經通之  
言孫盛習鑿齒搜求異同罔有所遺而並不多載冲言知其乖刺多  
十二年春亮悉大衆

由斜谷出以流馬運糧不繼使已志不申是以分兵

屯田為久駐之基耕者雜於渭濱居民之間而百

姓安堵軍無私焉漢晉春秋曰亮自至數挑戰宣王亦表  
固請戰使衛尉辛毗持節以制之姜維

謂亮曰辛佐治仗節而到賊不復出矣亮曰彼本無戰情所以  
固請戰者以示武於其衆耳將在軍君命有所不受苟能制吾  
豈千里而請戰邪魏氏春秋曰亮使至問其寢食及其事之  
煩簡不問戎事使對曰諸葛公夙興夜寐罰二十以上皆親擊  
焉所噉食不至數升

相持百餘日其年八月亮疾病

卒于軍時年五十四魏書曰亮糧盡勢窮憂恚歃血一夕  
燒營遁走入谷道發病卒漢晉春秋

蜀志五已 十四

曰亮卒于郭氏塢晉陽秋曰有星赤而芒角自東北西南流  
投于亮營三投再還往大還小俄而亮卒臣松之以為亮在  
渭濱魏人躡迹勝負之形未可測量而云歃血蓋因亮自亡而  
自誇大也夫以孔明之略豈為仲達歃血乎及至劉琨喪師與  
晉元帝箋亦云亮軍敗歃血此則引虛記以為

及軍退宣

王案行其營壘處所曰天下奇才也漢晉春秋曰楊  
儀等整軍而出

百姓奔告宣王宣王追焉姜維令儀反旗鳴鼓若將向宣王者  
宣王乃退不敢偏於是儀結陣而去入谷然後發喪宣王之退  
也百姓為之諺曰死諸葛先生仲達或以

亮遺命葬漢中

告宣王宣王曰吾能料生不便料死也

定軍山因山為墳冢足容棺斂以時服不須器物

詔策曰惟君體資文武明叡篤誠受遺託孤匡輔

朕躬繼絕興微志存靖亂爰整六師無歲不征神

武赫然威震八荒將建殊功於季漢參伊周之巨

諸葛真

諸葛真

諸葛真

勲如何不弔事臨垂克遘疾隕喪朕用傷悼肝心  
若裂夫崇德序功紀行命謚所以光昭將來刊載  
不朽今使使持節左中郎將杜瓊贈君丞相武鄉  
侯印綬謚君為忠武侯魂而有靈嘉茲寵榮嗚呼  
哀哉嗚呼哀哉初亮自表後主曰成都有桑八百  
株薄田十五頃子弟衣食自有餘饒至於臣在外  
任無別調度隨身衣食悉仰於官不別治生以長  
尺寸若臣死之日不使內有餘帛外有贏財以負  
陛下及卒如其所言亮性長於巧思損益連弩木  
牛流馬皆出其意推演兵法作八陣圖咸得其要

蜀志五已

十五

云魏氏春秋曰亮作八務七戒六恐五懼皆有條章以訓厲臣

子又損益連弩謂之元戎以鐵為矢矢長八寸一弩十矢俱  
發亮集載作木牛流馬法曰木牛者方腹曲頭一脚四足頭入  
領中舌著於腹載多而行少宜可大用不可小使特行者數十  
里羣行者二十里也曲者為牛頭雙者為牛脚橫者為牛領轉  
者為牛足覆者為牛背方者為牛腹垂者為牛舌曲者為牛肋  
刻者為牛齒立者為牛角細者為牛鞅攝者為牛轡軸牛仰雙  
轆人行六尺牛行四步載一歲糧日行二十里而人不大勞流  
馬尺寸之數肋長三尺五寸廣三寸厚二寸二分左右同前軸  
孔分墨去頭四寸徑中二寸前脚孔分墨二寸去前軸孔四寸  
五分廣一寸前杠孔去前脚孔分墨二寸七分孔長二寸廣一  
寸後軸孔去前杠分墨一尺五分大小與前同後脚孔分墨去  
後軸孔三寸五分大小與前同後杠孔去後脚孔分墨二寸七  
分後載剋去後杠孔分墨四寸五分前杠長一尺八寸廣二寸  
厚一寸五分後杠與等版方囊二枚厚八分長二尺七寸高一  
尺六寸五分廣一尺六寸每枚受米二斛三斗從上杠孔去肋  
下七寸前後同上杠孔去下杠孔分墨一尺三寸孔長一寸五  
分廣七分八孔同前後四脚廣二寸厚一寸五分形制如象軒  
長四寸徑面四寸三分孔徑中三脚杠長二  
尺一寸廣一寸五分厚一寸四分同杠耳

亮言教書奏

諸葛亮

多可觀別為一集景耀六年春詔為亮立廟於沔

陽襄陽記曰亮初亡所在各求為立廟朝議以禮秩不聽百姓遂因時節私祭之於道陌上言事者或以為可聽立廟於成

都者後主不從後其校尉習隆中書郎向充等共上表曰臣聞

周人懷召伯之德甘棠為之不伐越王思范蠡之功鑄金以存

其像自漢興已來小善小德而圖形立廟者多矣况亮德範遐

邇勳蓋季世興王室之不壞實斯人是賴而共然皆止於私門

廟像闕而莫立使百姓巷祭戎夷野祀非所以有德念功述追

在昔者也今若盡順民心則瀆而無典建之京師又偏宗廟此

聖懷所以惟疑也臣愚以為宜因近其墓立之於沔陽使所親

屬以時賜祭凡其臣故吏欲奉祠者皆限至廟斷其私祀以崇

正禮於是始從之秋魏鎮西將軍鍾會征蜀至漢川祭亭

之廟令軍士不得於亮墓所左右芻牧樵採亮

弟均官至長水校尉亮子瞻嗣爵襄陽記曰黃承彥

南名士謂諸葛孔明曰聞君擇婦身有醜女黃頭黑色而才堪

相配孔明許即載送之時人以為笑樂鄉里為之諺曰莫作孔

明擇婦止得阿承醜女

諸葛氏集目錄

開府作牧第一 權制第二

南征第三 北出第四

計筭第五 訓厲第六

綜覈上第七 綜覈下第八

雜言上第九 雜言下第十

貴和第十一

兵要第十二

傳運第十三

與孫權書第十四

與諸葛瑾書第十五

與孟達書第十六

諸葛亮

蜀志九

十六



廢李平第十七

法檢上第十八

法檢下第十九

科令上第二十八

科令下第二十一

軍令上第二十二

軍令中第二十三

軍令下第二十四

右二十四篇凡十萬四千一百一十二字

臣壽等言臣前在著作郎侍中領中書監濟北侯  
臣荀勗中書令關內侯臣和嶠奏使臣定故蜀丞  
相諸葛亮故事亮毗佐危國負阻不賓然猶存錄  
其言恥善有遺誠是大晉光明至德澤被無疆自  
古已來未之有倫也輒刪除復重隨類相從凡為

二十四

十七

二十四篇篇名如右亮少有逸羣之才英霸之器  
身長八尺容貌甚偉時人異焉遭漢末擾亂隨叔  
父玄避難荆州躬耕于野不求聞達時左將軍劉  
備以亮有殊量乃三顧亮於草廬之中亮深謂備  
雄姿傑出遂解帶寫誠厚相結納及魏武帝南征  
荆州劉琮舉州委質而備失勢眾寡無立錐之地  
亮時年二十七乃建奇策身使孫權求援吳會權  
既宿服仰備又覩亮奇雅甚敬重之即遣兵三萬  
人以助備備得用與武帝交戰大破其軍乘勝克  
捷江南悉平後備又西取益州益州既定以亮為

軍師將軍備稱尊號拜亮爲丞相錄尚書事及備  
殂沒嗣子幼弱事無巨細亮皆專之於是外連東  
吳內平南越立法施度整理戎旅工械技巧物究  
其極科教嚴明賞罰必信無惡不懲無善不顯至  
於吏不容姦人懷自厲道不拾遺彊不侵弱風化  
肅然也當此之時亮之素志進欲龍驤虎視苞括  
四海退欲跨陵邊疆震蕩宇內又自以爲無身  
之日則未有能蹈涉中原抗衡上國者是以用兵  
不戢屢羅其武然亮才於治戎爲長竒謀爲短理  
民之幹優於將略而所與對敵或值人傑加衆寡

不作攻守異體故雖連年動衆未能有克昔蕭何  
薦韓信管仲舉王子城父皆付己之長未能兼有  
故也亮之器能政理抑亦管蕭之亞匹也而時之  
名將無城父韓信故使功業陵遲大義不及邪蓋  
天命有歸不可以智力爭也青龍二年春亮帥衆  
出武功分兵屯田爲久駐之基其秋病卒黎庶追  
思以爲口實至今梁益之民咨述亮者言猶在耳  
雖甘棠之詠召公鄭人之歌子產無以遠譬也孟  
軻有云以逸道使民雖勞不怨以生道殺人雖死  
不怨信矣論者或怪亮文采不豔而過於丁寧周

至臣愚以為咎繇大賢也周公聖人也考之尚書  
咎繇之篡略而雅周公之誥煩而悉何則咎繇與舜  
禹共譚周公與臣下矢誓故也亮所與言盡眾人  
凡士故其文指不及得遠也然其聲教遺言皆經  
事綜物公誠之心形于文墨足以知其人之意理  
而有補於當世伏惟陛下邁蹤古聖蕩然無忌故  
雖敵國誅謗之言咸肆其辭而無所革諱所以明  
大通之道也謹錄寫上詣著作臣壽誠惶誠恐頓  
首頓首死罪死罪

泰始十年二月一日癸巳平陽侯相臣陳壽上

蜀書

卷六

喬字伯松亮兄瑾之第二子也本字仲慎與兄元  
遜俱有名於時論者以為喬才不及兄而性業過  
之初亮未有子求喬為嗣瑾啓孫權遣喬來西亮  
以喬為己適子故易其字焉拜為駙馬都尉隨亮  
至漢中亮與兄瑾書曰喬本當還成都今諸將子弟皆得傳  
運思惟宜同榮辱今使喬督五六百兵與諸子弟傳  
年二十五建興元年卒子攀官至行護軍

於谷中書  
在亮集

翊武將軍亦早卒諸葛恪見誅於吳子孫皆盡而  
亮自有曹裔故攀還復為瑾後  
瞻字思遠建興十二年亮出武功與兄瑾書曰瞻  
今已八歲而聰慧可愛嫌其早成恐不為重器耳

諸葛喬瞻

十七尚公主拜騎都尉其明年為羽林中郎將屢遷射聲校尉侍中尚書尚書僕射加軍師將軍瞻工書畫彊識念蜀人追思亮咸愛其才敏每朝廷有一善政佳事雖非瞻所建倡百姓皆傳相告曰葛侯之所為也是以美聲溢譽有過其實景耀四年為行都護衛將軍與輔國大將軍南鄉侯董厥並平尚書事六年冬魏征西將軍鄧艾伐蜀自陰平由景谷道旁入瞻督諸軍至涪停任前鋒破退還任縣竹艾遣書誘瞻曰若降者必表為琅邪王瞻怒斬艾使遂戰大敗臨陣死時年三十七眾皆

蜀志五

二十一

離散艾長驅至成都瞻長子尚與瞻俱沒

于寶曰瞻雖智不足

以扶危勇不足以拒敵而能外不負國內不改父之志忠孝存焉華陽國志曰尚歎曰父子荷國重恩不早斬黃皓以致傾敗用生何為乃次子京及攀子顯等咸熙元年內移

河東

案諸葛曰譜云京字行宗晉泰始起居注載詔曰諸葛亮在蜀盡其心力其子瞻臨難而死義天下之善一

也其孫京隨才署吏後為郃令尚書僕射山濤啟事曰郃令諸葛京祖父亮遇漢亂分囑父子在蜀雖不達天命要為盡心所事京治郃自復有稱臣以為宜以補東宮舍人以明事人之禮副梁益之論京位至江州刺史

董厥者丞相亮時為府令史亮稱之曰董令史良士也吾每與之言思慎宜適徙為主簿亮卒後稍遷至尚書僕射代陳祗為尚書令遷大將軍平臺事而義陽樊建代焉

案晉百官表董厥字龍興襲亦義陽人建字長元

延熙二

十四年以校尉使吳值孫權病篤不自見建權問諸葛恪曰樊建何如宗預也恪對曰才識不及預而雅性過之後為侍中守中書令自瞻厥建統事姜維常征伐在外官人黃皓竊弄機柄咸共將護無能匡矯

孫盛異同記曰瞻厥等以維好戰無功國內疲弊宜表後主召還為益州刺史奪其兵權蜀長老猶有瞻表以閻宇代維故事晉水和三二年蜀史常璩說蜀長老云陳壽嘗為瞻吏為瞻所辱故因此事歸惡黃皓而云瞻不能匡矯也

然建特不與皓和好往來蜀破之明年春厥建俱詣京都同為相國參軍其秋並兼散騎常侍使蜀

尉勞漢晉春秋曰樊建為給事中晉武帝問諸葛亮之治國建對曰聞惡必改而不矜過賞罰之信足感神明帝曰善哉使我得此人以自輔豈有今日之勞乎建稽首曰臣竊聞天下之論皆謂鄙文見枉陛下知而不理此豈馮唐之所謂雖

得頗牧而不能用者乎帝笑曰吾方欲明之卿言起我意於是發詔治艾焉

蜀志五

廿一

評曰諸葛亮之為相國也撫百姓示儀軌約官職從權制開誠心布公道盡忠益時者雖讎必賞犯法怠慢者雖親必罰服罪輸情者雖重必釋游辭巧飾者雖輕必戮善無微而不賞惡無纖而不貶庶事精練物理其本循名責實虛偽不齒終於邦域之內咸畏而愛之刑政雖峻而無怨者以其用心平而勸戒明也可謂識治之良才管蕭之亞匹矣然連年動眾未能成功蓋應變將略非其所長歟

袁子曰或問諸葛亮何如人也袁子曰張飛關羽與劉備俱起爪牙腹心之臣而武人也晚得諸葛亮因以為佐相而羣

諸葛亮

臣悅服劉備足信亮足重故也及其受六尺之孤攝一國之政  
事凡庸之君專權而不失禮行君事而國人不疑如此即以爲  
君臣百姓之心欣戴之矣行法嚴而國人悅服用民盡其力而  
下不怨及其兵出入如賓行不寇芻蕘者不獵如在國中其用  
兵也止如山進退如風兵出之日天下震動而人心不憂亮死  
至今數十年國人歌思如周人之思召公也孔子曰雍也可使  
南面諸葛亮有焉又問諸葛亮始出隴右南安天水安定三郡  
人反應之若亮速進則三郡非中國之有也而亮徐行不進既  
而官兵上隴三郡復亮無尺寸之功失此機何也袁子曰蜀兵  
輕銳良將少亮始出未知中國疆弱是以疑而嘗之且大會者  
不求近功所以不進也曰何以知其疑也袁子曰初出遲重屯  
營重復後轉降未進兵欲戰亮勇而能鬪三郡反而不速應此  
其疑徵也曰何以知其勇而能鬪也袁子曰亮之在街亭也前  
軍大破亮屯去數里不救官兵相接又徐行此其勇也亮之行  
軍安靜而堅重安靜則易動堅重則可以進退亮法令明賞罰  
信上卒用命赴險而不顧此所以能鬪也曰亮帥數萬之衆其  
所興造若數十萬之功是其奇者也所至營壘井竈園囿藩籬  
障塞皆應繩墨一月之行去之如始至勞費而徒爲飾好何也  
袁子曰蜀人輕脫亮故堅用之曰何以知其然也袁子曰亮治  
實而不治名志大而所欲遠非求近速者也曰亮好治官府次

卷之五

廿一

舍橋梁道路此非急務何也袁子曰小國賢才少故欲其尊嚴  
也亮之治蜀田疇辟倉廩實器械利蓄積饒朝會不華路無醉  
人夫本立故未治有餘力而後及小事此所以勸其功也曰子  
之論諸葛亮則有證也以亮之才而少其功何也袁子曰亮持  
本者也其於應變則非所長也故不敢用其短曰然則吾子美  
之何也袁子曰此固賢者之遠矣安可以備體責也夫能知所  
短而不用此賢者之大也知所短則知所長矣夫前識與言而  
不中亮之所不用也此吾之所謂可也吳大鴻臚張儼作默記  
其述佐篇論亮與司馬宣王書曰漢朝傾覆天下崩壞豪傑之  
士競希神器魏氏跨中土劉氏據益州並稱兵海內爲世霸王  
諸葛司馬二相遭值際會託身盟主或收功於蜀漢或冊名於  
伊洛不備旣歿後嗣既統各受保阿之任輔翼幼主不負然諾  
之誠亦一國之宗臣霸王之賢佐也歷前出以觀近事二相優  
劣可得而詳也孔明起巴蜀之地一州之士方之大國其戰  
十人民蓋有九分之一也而以貞誓大兵抗對北敵至使耕戰  
有伍刑法整齊提步卒數萬長驅祁山慨然有飲馬河洛之志  
仲達據天下十倍之地杖兼并之衆據牢城擁精銳無禽敵之  
意務自保全而已使彼孔明自來自去若此人不一終其志意  
連年運思刻日興謀則涼雍不解甲中國不釋鞬勝負之勢亦  
已決矣昔子產治鄭諸侯不敢加兵蜀相其近之矣方之司馬

諸葛亮

不亦優乎或曰兵者凶器戰者危事也有國者不務保安境內  
綏靜百姓而好開闢土地征伐天下未為得計也諸葛丞相誠  
有匡佐之才然處孤絕之地戰士不滿五萬自可閉關守險君  
臣無事空勞師旅無成不征未能進咫尺之地開帝王之基而  
使國內受其荒殘西土苦其役調魏司馬懿才用兵衆未易可  
輕量敵而進兵家所慎若丞相必有以筭之則未見坦然之勳  
若無筭以裁之則非明哲之謂海內歸高之意也余竊疑焉請  
問其說荅曰蓋聞湯以七十里文王以百里之地而有天下皆  
用征伐而定之揖遜而登王位者惟舜禹而已今蜀魏為敵戰  
之國勢不俱王自操備時疆弱懸殊而備猶出兵陽平禽夏侯  
淵羽圍襄陽將降曹仁生獲于禁當時北邊大小憂懼孟德身  
出南陽樂進徐晃等為救圍不即解故蔣子通言彼時有徙許  
渡河之計會國家襲取南郡羽乃解軍玄德與操智力多少士  
衆衆寡用之行軍之道不可同年而語猶能暫以取勝是時又  
無大吳掎角之勢也今仲達之才減於孔明當時之勢異於曩  
日玄德尚與抗衡孔明何以不可出軍而圖敵邪昔樂毅以弱  
燕之衆兼從五國之兵長驅疆齊下七十餘城今蜀漢之卒不  
少燕軍君臣之接信於樂毅加以國家為唇齒之援東西相應  
首尾如蛇形勢重大不比於五國之兵也何憚於彼而不可哉  
夫兵以奇勝制敵以智土地廣狹人馬多少未可偏恃也余觀

蜀記曰晉

三十三

彼治國之體當時既肅整遺教在後及其辭意懇切陳進取之

圖忠謀塞言義形於王雖古之管晏何以加之乎

永興中鎮南將軍劉弘至隆中觀亮故宅立碣表問命太傅掾

健為李興為文曰天子命我于沔之陽聽鼓鞀而永思庶先哲

之遺光登隆山以遠望賦諸葛之故鄉蓋神物應機大器無方

通人靡滯大德不常故谷風發而騶虞嘯雲雷升而潛鱗驟摯

解褐於三聘屈得招而褰裳管豹變於受命貢感激以回莊異

徐生之摘寶釋卧龍於深藏偉劉氏之傾蓋嘉吾子之周行夫

有知己之主則有竭命之良固所以三分我九鼎跨帶我邊荒

析衡我北面馳騁我魏疆者也英哉吾子獨含天靈豈神之祇

豈人之精何思之深何德之清異世通夢恨不同生推子八陣  
不在孫吳木牛之奇則非般模神弩之功一何微妙千井齊登  
又何秘要昔在顛天有名無迹孰若吾儕良籌妙畫臧文既沒  
以言見稱又未若子言行並徵夷吾反玷樂毅不終奚比於爾  
明哲守中臨終受寄讓過許由負屨蒞事民言不流刑中於鄭  
教美于魯蜀民知取河渭安堵匪臯則伊寧彼管晏豈徒聖旨  
慷慨屢歎昔爾之隱卜惟此宅仁智所處能無規廓日居月諸  
時殞其夕誰能不歿貴有遺格惟子之勳移風來世詠歌餘典  
儒夫將厲遐哉邈矣厥規卓矣凡若吾子難可究已疇昔之乖  
萬里殊塗今我來思覲爾故墟漢高歸魂於豐沛太公五出而

諸葛亮

反周想觀應以駁駁異影響音之有餘魂而有靈  
豈其識諸王隱百書云李典密之子一名安

諸葛亮傳第五

蜀書

國志三十五





